

მასალები ძვ.წ. მე-6 - პირველი საუკუნეების კოლხეთის ონომასტიკისათვის

Materials for the Onomastics of Colchis (6th–1st Centuries BC)

დიმიტრი ახვლედიანი • მაია ჩარკვიანი • სულხან ხარაბაძე
Dimitri Akhvlediani • Maia Charkviani • Sul Khan Kharabadze

ო. ლორთქიფანიძის არქეოლოგიის კვლევის ინსტიტუტი, საქართველოს ეროვნული მუზეუმი,
შოთა რუსთაველის გამზირი №3, თბილისი 0105

O. Lordkipanidze Institute of Archaeology, Georgian National Museum, Shota Rustaveli Avenue, Tbilisi 0105, Georgia

ABSTRACT. This work aims to collect and analyze the onomastic evidence from Colchis dating from the 6th to the 1st centuries BC. This evidence was discovered within the historical territory of Colchis and/or is connected to its history. The materials of interest to us are reflected in narrative sources, numismatic, glyptic, and ceramic artifacts (tiles, amphorae, and tableware).

Currently available onomastic material from Colchis during the specified period is as follows:

6th century BC – YPMHKOΣ, graffiti, Pichvnari.

5th century BC – MHTOΣ, graffiti, Itkhvisi.

First half of 4th century BC – OTQIOΣ, graffiti, ΔIONYΣIOΣ ΛEQΔAMANTOΣ, graffiti, Pichvnari.

Second half of 4th – first half of 3rd century BC – ΔEQATOC (finger-ring); HPAKΛEIDOCY (roof tile stamps), MHΛABHC, OPAZO, XOPCIP, MHNO, EPMQ, XITIC, X----XA, (roof tile stamps), Vani.

Second half of 3rd–first half of 2nd century BC – TIMAPXOC, amphora stamp, BAZILEOC AKOCY, coin, (Trabzon, village of Kinchkha (Khoni municipality)).

Second half of 2nd – first half of 1st century BC – Saulaces (NH, XXXIII, 52) exact dating unclear; coin? (Generally, Colchis and Vani); ΦINTIDOC, graffiti; APCANC, gate inscription, Vani.

Mid-1st century BC – 'ΑΡΙCΤΑΡΧOC (App. Mithr. 114) coin; 'ΟΛΘΑΚIC (App. Mithr. 117).

საკვანძო სიტყვები: კოლხეთი, ონომასტიკა, ნუმიზმატიკა, კრამიტი, ამფორა

Keywords: Colchis, Onomastics, Numismatic, Tiles, Amphoras

ჩვენი ნაშრომის მიზანია თავი მოვუყაროთ ძვ.წ. მე-6 - პირველი საუკუნეების კოლხეთის ონომასტიკის ძეგლებს, რომლებიც ისტორიული კოლხეთის ტერიტორიაზეა გამოვლენილი, ან ამ რეგიონის ისტორიასთანაა დაკავშირებული. ქვეყნის ფარგლებს გარეთ აღმოჩენილი, ამ ხასიათის წყაროები სრულად თავმოყრილია თ. ყაუხჩიშვილის ნაშრომში (Кауxчишвили 1975), ამიტომ მათ არ შევხებით. ჩვენთვის საინტერესო მასალები ასახულია ნარატიულ წყაროებში, ნუმიზმატიკურ, გლიპტიკურ და კერამიკულ (კრამიტი, ამფორა, სუფრის ჭურჭელი) არტეფაქტებზე.

ნარატიული წყაროები. ამ სახის წყაროებიდან განსაკუთრებით აღსანიშნავია აპიანეს თხზულება: „მითრიდატეს ომების ისტორია“, სადაც კოლხეთის (თუ კოლხების) მმართველი არისტარქოსი - 'ΑΡΙCΤΑΡΧOC (App. Mithr. 114) და კოლხი სკეპტუხოსი ოლთაკესი 'ΟΚΟΛΧΑC CΚIΠTOYC 'ΟΛΘΑΚIC (App. Mithr. 117) არიან მოხსენებული. არისტარქოსი პომპეუსმა

კოლხეთში დააყენა მმართველად, ხოლო სკეპტუხოსი ოლთაკესი მონანილეობას იღებდა პომპეუსის მიერ, რომში გამართულ ტრიუმფში. აპიანეს ტექსტიდან ნათლად ჩანს რომ ორივე პირი ძვ.წ. პირველი საუკუნის შუა წლების მოღვაწენი იყვნენ. არისტარქეს სახელით მოჭრილ მონეტაზე ქვემოთ გვექნება საუბარი.

მეორე ნარატიული წყარო, რომელიც კოლხურ ონომასტიკას შეეხება არის პლინიუსის „ბუნების ისტორია“. პლინიუსის ცნობის მიხედვით კოლხეთს განაგებდა აეტის ჩამომავალი საულაკესი - Saulaces (NH, XXXIII, 52). პლინიუსის მონაცემები, აპიანესგან განსხვავებით, მეტად ბუნდოვანია, განსაკუთრებით მისი მეფობის დროის გადმოცემისას და უფრო მეტად ლეგენდარული ხასიათისაა. მიუხედავად ამისა მკვლევართა ნაწილს, იგი სავსებით რეალურ პირად მიაჩნიათ.

გ. მელიქიშვილი ამ სახელს სკვითურ-სარმატულ სამყაროს უკავშირებს და ადარებს ოსურ სახელს Sauläg (Меликишвили 1959: 472, დამ. 339). საულაკესის და მასთან დაკავშირებული მონეტების შესახებაც ქვემოთ გვექნება საუბარი (ნაშრომში არ გვაქვს განხილული სტრაბონის მონაცემები).

მონეტები. 1. ოქროს სტატერი - 8,45 გ., ზომა - 17/18 მმ. ავერსზე გამოსახულია ალექსანდრე მაკედონელის თავი ამონის რქით, პროფილში მარჯვნივ, რევერსზე - ტახტზე მჯდომარე ათენა, პროფილში მარცხნივ. მარცხენა ხელით ეყრდნობა ტახტის სახელურს, რომლის უკანაც გამოსახულია ფარი. წინ განვდილ მარჯვენა ხელში უკავია ქალღმერთი ნიკე - ხელში დაფნის გვირგვინით. ათენას ქვემოთ - სამითთა, რომლის ტარი შემკულია დელფინის ორი გამოსახულებით. ათენას წინ გაკეთებულია წარწერა ΑΚΟΥ, უკან ΒΑΣΙΛΕΩΣ. ეს მონეტა წარმოადგენს ლისიმაქეს სტატერის მინაბაძს (Дундуа 1987: 73,74). სადღეისოდ ეს მონეტა ორი ეგზემპლარით არის წარმოდგენილი. თავდაპირველად იგი შემთხვევით აღმოჩნდა ტრაპიზონთან (თურქეთი) 1865 წელს და ინახება პარიზში. მხოლოდ ამ მონეტის აღმოჩენის პირობებში მკვლევარები მას ბოსფორის სამეფოს კუთვნილად მიიჩნევდნენ და სახელს თრაკიულად, სკვითურად, ან სარმატულად ხსნიდნენ (Капанадзе 1948: 150-155). საქართველოს ტერიტორიაზე ასეთი მონეტის აღმოჩენის შემდეგ (ხონის მუნიციპალიტეტის სოფ. კინჩხი, 1923 წ.) მკვლევარებმა იგი ქართული ნუმისმატიკის ძეგლად მიიჩნიეს (Шелов 1956: 184), თუმცა ეს საკითხი მასალის სიმცირის გამო ბოლომდე გადანყვეტილი არ არის. გ. ლუნდუას აზრით, მონეტა მოჭრილია ძვ.წ. მე-2 საუკუნის 90-იანი წლების ბოლოს და 80-იანი წლებში (Дундуа 1987: 89). წარწერა გაკეთებული მონეტაზე შეიძლება წაკითხულ იქნას შემდეგნაირად: ΒΑΣΙΛΕΩΣ ΑΚΟΥ. ამ სახელს სხვადასხვა მკვლევარი სხვადასხვაგვარად კითხულობს: მკვლევართა ერთ ნაწილს მიაჩნია, რომ საკუთარი სახელი შემოკლებით არის წარმოდგენილი - მაგ. ს. ჟებელიოვის აზრით, ეს სახელი შემოკლებულია და სრულად იკითხება Βασιλέας [Σαυμ]άκου, ანუ ეკუთვნის იმ პიროვნებას, რომელმაც ძვ.წ. მე-2 საუკუნის ბოლოს ბოსფორის სამეფოში მოაწყო აჯანყება, მოკლა მეფე პერისადე, თვითონ გამეფდა და მოჭრა მონეტა (Жебелёв 1938: 66, 67). ლ. ხარკოს აზრით, ეს მონეტა კოლხეთშია მოჭრილი, მაგრამ წარწერას აღადგენს, როგორც ΒΑΣΙΛΕΩΣ [ΛΙΣΙΜ]ΑΧΟΥ. “K”-ს კითხულობს როგორც “X”-ს და ამ მონეტას ლისიმაქეს აკუთვნებს (Харко 1948: 133-141). ა. ნემიროვსკის მიაჩნია, რომ ფორმა ΑΚΟΥ წარმოადგენს არა სრული სახელის ΑΚΟΣ-ის, ან ΑΚΗΣ-ის ნათესაობით ბრუნვას, არამედ პოლიბიოსთან (Polyb. XXV, 2) მოხსენებულ 'Ακυσίλοχος-ის საწყის ნაწილს, რომელიც ავტორის აზრით, კოლხეთის მეფე და ძვ.წ. 179 წლის საერთაშორისო ხელშეკრულების ერთ-ერთი მონანილე უნდა ყოფილიყო. თუმცა ტექსტის მიხედვით არ ჩანს არც აკუსილოხეს ტიტული, არც რომელი ქვეყნის მმართველი იყო ის (Немировский 1980: 154). იგივე აზრს იზიარებს თ. თოდუაც (Тодуа 1990: 40-42). მკვლევართა მეორე ნაწილს მიაჩნია, რომ მონეტაზე გამოსახული საკუთარი სახელი სრულად არის დანერგილი. ვ. შკორპილს მიაჩნია, რომ ეს სახელი ქალისაა - 'Ακίς (Шкорпил 1909: 25-27).

გ. დუნდუას მოსაზრებით, ნათესაობით ბრუნვაში მდგომი ΒΑΣΙΛΕΩΣ ΑΚΟΥ, სახელობითში უნდა ყოფილიყო ΑΚΟΣ, ან ΑΚΗΣ (Дундуа 1987: 97, 98). დ. კაპანაძე აღნიშნავს, რომ ეს სახელი შემორჩენილია დასავლეთ საქართველოს ონომასტიკაში, უმეტესად სამეგრელოსა და აფხაზეთში (კაპანაძე 1969: 34; Капанадзе 1948: 152).

2. ზემოთ მოყვანილი გვექონდა პლინიუსის ნაშრომში ნახსენები საკუთარი სახელი საულაკესი. ამ სახელს ზოგიერთი მკვლევარი ძირითადად კოლხეთის ტერიტორიაზე გამოვლენილ მონეტებს უკავშირებს (Голенко 1951: 199; Дундуа 1987: 102-105). სადღეისოდ აღმოჩენილია ასეთი 8 ცალი მონეტა, რომლებსაც გ. დუნდუა სამ ტიპად ჰყოფს: პირველ ტიპს განეკუთვნება 4 მონეტა, რომლებიც მოჭრილია დაბალი ხარისხის ვერცხლისაგან. მათ ავერსზე გამოსახულია ადამიანის თავი, სხივებიანი გვირგვინით, პროფილში მარჯნივ; რევერსზე - ხარის თავი მარჯნივ, გაურკვეველი მონოგრამით, მის წინ. ზემოთ - წარწერა - ΒΑΣΙ...ქვემოთ - ΣΑΥΛ... მათგან 1 ცალი ინახება ბერლინის მუზეუმში (წონა - 1,03 გრ.) (Голенко, 1951, სურ. 2; Дундуа 1987: 102-105), 3 ცალი - მოსკოვის ისტორიულ მუზეუმში (წონა - 1,17, 1,65 გრ.) მესამე მონეტა ძალზე დაზიანებულია (Голенко 1951, სურ. 1; Дундуа 1987: 102-105). ტიტული შემორჩენილია მოსკოვისა და ბერლინის თითო-თითო ეგზემპლარზე, ხოლო სახელის ნაწყვეტი, მხოლოდ ბერლინის ეგზემპლარზე (Голенко 1951: 200; Дундуа 1987: 102-105).

მეორე ტიპის მონეტა, 2 ცალი, ვერცხლის, ავერსზე გამოსახულია ადამიანის თავი, სხივებიანი გვირგვინით, პროფილში მარჯნივ; რევერსზე - ვარდის (ან ბრონზის ყვავილის) გამოსახულება, ზემოთ - წარწერა - ΒΑΣΙ..., ქვემოთ - ΣΑΥΛ... (მათიაშვილი 2013: 65, 101 კატ. 473, 943, ტაბ. LXIV 473, 943; Дундуа 1987: 102-105).

მესამე ტიპის მონეტა, 2 ცალი, ავერსზე გამოსახულია ადამიანის თავი, სხივებიანი გვირგვინით, ფასში; რევერსზე ფრთოსანი ელვა. ბილონის მონეტა ინახება ლონდონში ბრიტანეთის მუზეუმში, სპილენძის - ბერლინში (თუმცა არის მოსაზრება, რომ ორივე მონეტა ბილონისგან არის დამზადებული (Голенко 1951: 200; Дундуа 1987: 102-105). ლონდონის მონეტაზე გაკეთებულია წარწერა ΒΑΣΙ... ΣΑΥ..., ბერლინისაზე - ΒΑ... ΣΑΥ... (წონა 1,85 გრ.) (Голенко 1951: 200, 201, სურ. 5; Дундуа 1987: 102-105).

6 მონეტის აღმოჩენის ადგილი ცნობილია ზოგადად - აღმოსავლეთ შავიზღვისპირეთი (Голенко 1951: 200, 201), 2 მათგანი კი აღმოჩენილია ვანის ნაქალაქარზე (მათიაშვილი, 2013: 65, 10).

ტიპოლოგიურად ეს მონეტები ძვ.წ. მე-2 საუკუნის მეორე ნახევრით თარიღდება (Дундуа, 1987: 104), რასაც ვანის ნაქალაქარზე სტრატეგრაფიული მონაცემებიც უჭერს მხარს (მათიაშვილი 2013: 65, 101).

წარწერების ასეთი ფრაგმენტულობის გამო საკუთარი სახელის სრული წაკითხვა ორგვარია: მკვლევართა ერთი ნაწილი მიიჩნევს, რომ მონეტაზე გაკეთებული არასრული საკუთარი სახელი აღდგება, როგორც საულაკი, მკვლევართა მეორე ნაწილს - როგორც საუმაკი. პირველის შესახებ ზემოთ გვექონდა საუბარი, გარდა ამისა უნდა დავუმატოთ, რომ დ. კაპანაძეს მიაჩნია ეს სახელი გავრცელებულია აფხაზეთში, როგორც სავლაჰი (კაპანაძე, 1969: 39); ხოლო მეორე ძვ.წ. მე-2 საუკუნის ბოლოს ბოსფორის სამეფოში მოღვაწეობდა (Голенко 1951: 199-204; Дундуа 1987: 102-105).

3. არისტარქეს დრახმები (5 ცალი), ავერსზე გამოსახულია მამაკაცის თავი პროფილში, ხუთქიმიანი გვირგვინით; რევერსზე - ტახტზე მჯდომარე ქალის ფიგურა პროფილში მარჯნივ (დრაპირებით), კოშკისებური გვირგვინით. მარცხენა ხელში უჭირავს მრგვალი საგანი, მარჯვენაში საჭე. გარშემო შემოუყვება წარწერა ΤΟΥ ΕΠΙ ΚΟΛΧΙΔΟΣ ΑΡΙΣΤΑΡΧΟΥ ΒΙ ანუ „არისტარქე კოლხების მმართველი“, ან „არისტარქე, რომელიც მართავს კოლხებს“, და ინდიქტი - მისი მმართველობის მე-12 წელი - ძვ.წ. 52/1 წწ. (Дундуа 1987: 131). 1 მონეტა

ინახება ბერლინში, 2 ცალი - სანქტ პეტერბურგის ერმიტაჟში (აქედან 1 ცალი სოხუმთანაა აღმოჩენილი), 1 ცალი - პარიზის მედლების კაბინეტში, 1 ცალი - ლონდონში, ბრიტანეთის მუზეუმში.

საბჭოთავი-ბეჭედი. ოქროსი, ფარაკზე ამოკვეთილია ადამიანის მჯდომარე ფიგურა და ბერძნული რეტროგრადული წარწერა: ΔΕΛΑΤΟΣ (სურათი 4:4), გამოვლენილია ვანის ნაქალაქარზე, №9 სამარხში, რომელიც ძვ.წ. მე-4 საუკუნის მესამე მეოთხედით თარიღდება (ლორთქიფანიძე და სხვ. 1972: 203,207; ლორთქიფანიძე 1976: 134-147). ოთ. ლორთქიფანიძის მოსაზრებით, სახელი „დედატოსი“ კაპადოკიურ საკუთარ სახელებთან პოულობს სიახლოვეს (ლორთქიფანიძე 1995: 24).

კრამიტი. კოლხური კრამიტი წარმოდგენილია, როგორც ბრტყელი, ასევე ღარისებური ეგზემპლარებით. ბრტყელი კრამიტი წარმოადგენს თიხის სწორფერდა ფილას აკეცილი გვერდებით. აკეცილი გვერდები თავში კრამიტის შიგნით არის შეზნეილი, ხოლო ბოლოში თანდათანობით დაბლდება. ღარისებური კრამიტი - ბოლოსაკენ შევიწროვებული ღარის ფორმისაა. კოლხური კრამიტი აღმოჩენილია ვანის ნაქალაქარზე (ახვლედიანი, 1999) და ვანის მიდამოებში: დაბლაგომში (Куртин 1950:89-91), ამაღლებაში (Лордкипаниძე 1970: 84), მთისძირში (გამყრელიძე 1982: 98), საყანჩიაზე (ლიჩელი, 1991: 23-24); გარდა ამისა ეშერაზე (Воронов 1977; Куртин 1949: 6-10; Шамба 1980), ნოქალაქევში (გრიგოლია და სხვ. 1973: 36), რიონის ქვემო წელზე (მიქელაძე 1978: 77); გეგუთსა და საყულიაში (ლიჩელი 1991), ნამჭედურზე (Микеладзе, Хахуთაიшвили 1985: таб. 21).

სამეცნიერო ლიტერატურაში გამოთქმულია მოსაზრება, რომ კოლხური კრამიტის ფორმა სინოპურის მიბაძვით არის მიღებული (ლორთქიფანიძე 1966: 128) და მის მოდიფიკაციას წარმოადგენს (ყიფიანი 1991: 9-10).

ერთ-ერთ ურთულეს საკითხად ჩვენთვის საინტერესო მასალის შესწავლაში მიგვაჩნია მისი წარმოების თარიღის დადგენა. სირთულე გამოწვეულია იმით, რომ კრამიტი წარმოადგენს მეტად გამძლე სამშენებლო მასალას. წარმოადგენს მაგალითებს, სადაც ნაჩვენებია სტრატეგრაფიული მეთოდით მისი წარმოების თარიღის განსაზღვრა: 1) ნაგებობა, რომელიც გადახურული იყო კრამიტით, დიდი ხნის განმავლობაში ასრულებდა თავის დანიშნულებას, ამიტომ მისი დანგრევის მომენტში ფიქსირებული სხვა კერამიკული მასალა, გაცილებით უფრო ახალია, ვიდრე კრამიტი (Алексеева 1975); 2) კომპლექსში (ნაგებობა, სამარხი) ხშირად დასტურდება კრამიტის მეორადი მოხმარების ფაქტი, არაიშვიათად მისი წარმოებიდან რამდენიმე საუკუნის შემდეგაც (Талис 1968); 3) ნაგებობას, რომელიც დიდხანს ასრულებდა თავის დანიშნულებას, შეკეთების, ან გადაკეთების დროს ახალი კრამიტის დამატება ესაჭიროებოდა. ძველ და ახალ კრამიტს შორის, ხშირად საკმაოდ დიდი ქრონოლოგიური სხვაობაა (Гайдукевич 1958).

სადღეისოდ, ვანის ნაქალაქარზე მოპოვებული კრამიტი ორ ნაწილად იყოფა - დამლიანი და ნიშნისანი, ხოლო კრამიტის ერთ ფრაგმენტზე დატანილია, როგორც დამლები, ასევე ნიშანი (ახვლედიანი 1999). თავის მხრივ კოლხური დამლიანი კრამიტი ორ ჯგუფად შეიძლება დაიყოს: პირველი, ესაა ჰერაკლიდესის დამლიანი კრამიტი, მეორე - სამეფო დამლიანი კრამიტი. ჰერაკლიდესის დამლა მხოლოდ ბრტყელ კრამიტზე არის დასმული ერთიდაიგივე სიქით. დამლებს ზედა და ქვედა კიდეზე თითო ღარი დაუყვება, რაც იმაზე მეტყველებს, რომ ისინი ერთდროულადაა დამზადებული (სურათი 1:1-2). ამ დამლით აღჭურვილი 7 კრამიტის ფრაგმენტია გამოვლენილი ნაქალაქარის სხვადასხვა უბანზე, ანუ შენობა, რომელიც ამ ჯგუფის კრამიტით იყო გადახურული მიკვლეული არ არის. ამიტომ საფიქრებელია, რომ ჰერაკლიდეს დამლიანი კრამიტები, მეორადად იყო გამოყენებული სხვა შენობების გადასახურად. ჰერაკლიდესის (ΗΡΑΚΛΕΙΔΗΣ) 7 დამლა: 07:1-78/330 [ΗΡΑ]ΚΛΕΙΔΟΥ; 07:1-78/118 [ΗΡΚ]ΛΕΙΔΟΥ; 07:1-65/81 ΗΡΑ[ΚΛΕΙΔΟΥ]; 07:1- 88/566 წარწერა მთლიანად გადაშლილია; 07:1-99/184 ΗΡΑΚΛΕΙ[ΔΟΥ]; 07:1-99/185 ΗΡΑΚΛΕΙΔΟ[Υ]; 07:1-02/760

HP[AKΛEIDΟΥ] (ახვლედიანი 2003A: 45, 46). ამ დამლათაგან ერთ-ერთი (07:1- 02/760) ძვ.წ. მე-4 საუკუნის მეორე ნახევრისა და ძვ.წ. მე-3 საუკუნის პირველი ნახევრით დათარიღებულ კულტურულ ფენაში აღმოჩნდა. შესაბამისად, ჰერაკლიდესის (HPAKΛEIDHΣ) დამლიანი კრამიტის წარმოება ამ პერიოდით უნდა დათარიღდეს (კაჭარავა და სხვ. 2002).

ისევე როგორც ჰერაკლიდესის დამლები, სამეფო დამლიანი კრამიტიც მხოლოდ ვანის ნაქალაქარზეა აღმოჩენილი. ისინიც მხოლოდ ბრტყელ კრამიტებზე არის დატანილი. ჩვენი აზრით, თავდაპირველად ყველა კრამიტზე ორ-ორი დამლა იყო დასმული და მხოლოდ იმ გარემოებამ, რომ დღეისთვის, ამ სახის სამშენებლო მასალის უმრავლესობა ფრაგმენტების სახით არის წარმოდგენილი, გამოიწვია ის, რომ მნიშვნელოვან ნაწილზე მხოლოდ თითო დამლა გვხვდება. დამლები ორნაირია - დიდი და მცირე ზომის (5,2X2,9 სმ., 3,2X1,7 სმ.). დიდი ზომის დამლა დაიტანებოდა კრამიტის თავთან, კიდის პარალელურად, მცირე ზომის დამლა დიდი დამლის პერპენდიკულარულად (სურათი 1:6-10).

სადღეისოდ, სამეფო დამლიანი კრამიტის 53 ფრაგმენტია აღმოჩენილი. აქედან ნაწილზე შემორჩენილია ორ-ორი დამლა - დიდი და მცირე ზომის; ნაწილზე - მხოლოდ დიდი ზომის; ნაწილზე - მხოლოდ მცირე ზომის; ერთ ფრაგმენტზე - ორი დამლა და ნიშანი. ეს დამლებია:

1.	[BAΣI/IKH] [MH]ΛAB[HC]	OP[AZO]	07:1-78/117
2.	დიდი დამლა გადაშლილია	O[PAZO] ან [OPAZ]O	07:1-78/388
3	დიდი დამლა გადაშლილია	[XOP]CIΠ	07:1-76/147
4.	BAΣ[I/IKH] MHΛ[ABHC]	XOPCIΠ	07:1-88/678
5.	B[AΣI/IKH] MHΛABHC	MHN[O]	07:1-91/33
6.	[BA]ΣI/IKH MHΛABHC	MHNO	07:1-91/34
7.	----- MHΛA[BHC]	[M]HNO	07:1-03/558
8.	BAΣ[I/IKH] MHΛ[ABHC]	MHNO	07:1-98/44
9.	BA[ΣI/IKH] MH[ΛABHC]	EPMΩ	07:1-83/273 (სურათი 1:8)
10.	BA[ΣI/IKH] M[HΛABHC]	მცირე დამლა გადაშლილია	07:1-78/475, 741
11.	დიდი დამლა გადაშლილია	XITIC	07:1-02/291
12.	[BAΣI/IKH] MH[ΛABHC]	მცირე დამლა გადაშლილია	07:1-04/1312

დანარჩენ ორ-ორ დამლიან თორმეტი კრამიტის ფრაგმენტზე წარწერა მთლიანად გადაშლილია (07:1-76/229, 230, 233; 07:1-78/300, 301, 303, 304, 305, 311, 475; 07:1-84/333; 07:1-85/244).

დიდი ზომის დამლები:

1.	[BAΣI/IKH] MHΛA[BH]C	07:1-76/226
2.	[BAΣI]ΛI[KH]	07:1-76/234

	[MHΛ]A[BHC]	
3.	[BAΣIΛIKH [MHΛ]BH[C]	07:1-76/743
4.	[BAΣIΛIKH] [M]HΛ[ABHC	07:1-78/2
5.	BAΣIΛIKH MHΛABH(C)	07:1-78/293
6.	[BAΣIΛIKH] [MH]ΛAB[HC]	07:1-78/317
7.	[BAΣIΛIKH] MHΛ[ABHC]	07:1-78/432

ცხრა დიდი ზომის დამლაზე წარწერა მთლიანად გადაშლილია (07:1-76/231; 07:1-78/306, 307, 309, 314, 412, 871, 1097, 1118).

მცირე ზომის დამლები:

1.	OPA[ZO]	07:1-76/745
2.	OPAZO	07:1-78/292
3.	OPA[ZO]	07:1-78/318
4.	[OP]AZO	07:1-78/390
5.	OPAZO	07:1-78/1120
6.	OPAZO	07:1-79/1344
7.	X-----XA	07:1-78/10 (სურათი 1:4)

ორ მცირე ზომის დამლაზე წარწერა მთლიანად გადაშლილია. სამ დამლას, მათი ფრაგმენტულობის გამო, ვერ ვაკუთვნებთ ვერც დიდს, ვერც მცირეს (07:1-78/316, 433; 07:1-88/223).

დამლიანი და ნიშნიანი კრამიტი:

1.	[BAΣIΛIKH] MHΛA[BHC]	ΧΟΡΣΙΠ	P	07:1-88/214 (სურათი 1:9)
----	----------------------	--------	---	--------------------------

ჩვენს ხელთ არსებულ ყველა შემთხვევაში დამლა BAΣIΛIKH/MHΛABHC ერთი სიქით არის დასმული, რაზეც დამლების ზომა და ასოების მოხაზულობა მიუთითებს. ასევე ერთი სიქითაა დატანილი დამლები OPAZO (8 ც.) (სურათი 1:3) და MHNO (2 ც.) (სურათი 1:6). რაც შეეხება დამლებს წარწერით ΧΟΡΣΙΠ, იგი ორ შემთხვევაში (07:1-76/147, 07:1-88/678) ერთიდაიგივე სიქით არის დატანილი, ხოლო მესამე ფრაგმენტზე (07:1-88/214) სხვა სიქით. კერძოდ, ეს უკანასკნელი ფორმით ისეთივეა, როგორც OPAZO-სა და MHNO-ს დამლები - სწორი კუთხეებითა და სწორი ზედაპირით (სურათი 1:9). რაც შეეხება პირველ ორ დამლას, მათი კუთხეები მომრგვალებულია, ხოლო ზედაპირი ჩაზნექილი (სურათი 1:10).

დიდ დამლაში გაკეთებული წარწერა BAΣIΛIKH/MHΛABHC ერთმანეთისაგან დამოუკიდებლად უნდა იქნას წაკითხული, სადაც ზედსართავი BAΣIΛIKH აღნიშნავს, რომ კრამიტი სამეფოა, ანუ ΚΕΡΑΜΙΣ ΒΑΣΙΛΙΚΗ. სახელი MHΛABHC მეფისა არ არის (მაშინ გვექნებოდა ასეთი ფორმა მაგ. ΒΑΣΙΛΕΩΣ ΣΠΑΡΤΟΚΟΥ, ΒΑΣΙΛΕΩ ΣΦΙΛΙΠΠΟΥ, ან ΒΑΣΙΛΕΩ ΣΝΑΒΙΟΣ), იგი უფრო ის სამეფო მოხელე იყო, რომელიც რაღაც ფორმით იყო დაკავშირებული კრამიტის წარმოებასთან. მეტად მნიშვნელოვანი დასკვნების გაკეთების საშუალებას იძლევა კრამიტის ის ფრაგმენტი, რომელზეც დასმულია, როგორც ასოსმაგვარი ნიშანი P, ასევე დამლები ([BAΣIΛIKH] MHΛA[BHC] ΧΟΡΣΙΠ 07:1-88/214). კერძოდ, ნიშნიანი და დამლიანი კრამიტები ერთ სანარმოო ცენტრში მზადდებოდა. ნიშნიანი კრამიტის წარმოება უშუალოდ მოსდევდა დამლიანი კრამიტის წარმოებას და მათ შორის არავითარი ქრონოლოგიური ლაკუნა არ არსებობდა.

ვანის ნაქალაქარზე მოპოვებულ კრამიტზე დასმული ნიშანი (სურათი 2) მისი უშუალო დამამზადებელი მეთუნისა უნდა იყოს (ახვლედიანი 1999), აქედან გამომდინარე სახელები OPAZO, ΧΟΡCΠ, ΜΗΝΟ, ΕΡΜΩ, ΧΙΤΙC და X---XA არ შეიძლება მეთუნეებს ეკუთვნოდეს. ვინაიდან კრამიტზე ორი მეთუნის სახელის - ნიშანი - P და ΧΟΡCΠ ერთდროულად დასმა შეუძლებლად მიგვაჩნია. მცირე დამლებში მოხსენებული სახელები ΜΗΛΑΒΗC-თან მეფის მოხელეების სახელებად მიგვაჩნია, რომლებიც რაღაც ფორმით იყვნენ კრამიტის წარმოებასთან დაკავშირებულნი, ოღონდ მასზე რანგით დაბალი.

ის ფაქტი, რომ ყველა კრამიტზე დამლა ΒΑΣΙΛΙΚΗ/ΜΗΛΑΒΗC ერთი სიქითაა დატანილი, მეტყველებს იმაზე, რომ ამ ჯგუფის მასალა ერთდროულად არის დამზადებული. ამავე დროს ისინი ორ, ქრონოლოგიურად განსხვავებულ კულტურულ ფენაშია აღმოჩენილი. პირველი დედაქანში ჩაჭრილი არხის გვიანდელ შევსებას წარმოადგენს. კრამიტებიდან აქ გამოვლენილია, როგორც სინოპური, ასევე ადგილობრივი ნაწარმი და დამლა წარწერით OPAZO (07:1-79/1344), რომელიც ძველადვე სამად იყო გატეხილი და მისი ფრაგმენტები ფენის სხვადასხვა ადგილას დაფიქსირდა (ჭყონია 1986: 93-115). აღსანიშნავია, რომ ამ ფენაში არ იქნა გამოვლენილი ადგილობრივი ნიშნიანი კრამიტი. ამავე დროს აქ არ არის სხვა რაიმე მასალა (მიუხედავად მისი სიმრავლისა), რომელიც შეიძლება ზუსტად დათარიღებულ იქნას ძვ.წ. მე-3 საუკუნის პირველ მეოთხედზე უფრო გვიანდელი ხანით. მეორე - ძვ.წ. მე-2 საუკუნის მეორე ნახევარში აგებული „საზეიმო საკურთხეველის“ ნანგრევები. აქ აღმოჩნდა სამეფო დამლიანი კრამიტის დიდი ნაწილი. გადახურვაში მათთან ერთად კოლხური ნიშნიანი კრამიტიც იყო გამოყენებული (ფუთურიძე 1986: 34-51). ამ სტრატეგრაფიული მონაცემებიდან შეიძლება გამოვიტანოთ დასკვნა, რომ ძვ.წ. მე-3 საუკუნის პირველი მეოთხედი სამეფო დამლიანი კრამიტის დამზადების თარიღისათვის წარმოადგენს terminus post quem non-ს, ვინაიდან დამლა OPAZO ძვ.წ. მე-4 საუკუნის მეორე ნახევრისა და ძვ.წ. მე-3 საუკუნის პირველი მეოთხედის ფენაში ნაკლებ სავარაუდოა, რომ შემთხვევით ყოფილიყო მოხვედრილი, რადგან როგორც ზემოთ იყო აღნიშნული, იგი ძველადვე გატყდა სამ ფრაგმენტად და ფენაში ერთმანეთისაგან დაცილებით იქნა დაფიქსირებული. შემდგომ ძვ.წ. მე-2 საუკუნის მეორე ნახევარში სამეფო დამლიანი კრამიტი, მეორედ იქნა გამოყენებული, უფრო გვიანდელ ნიშნიან კრამიტებთან ერთად „საზეიმო საკურთხეველის“ გადასახურავად. რაც შეეხება ქვედა ქრონოლოგიურ ზღვარს, მისი დადგენა ზუსტად არ ხერხდება. ასოების პალეოგრაფია (სურათი 3) თითქოს არ იძლევა იმის საშუალებას, რომ იგი ძვ.წ. მე-4 საუკუნეში გადავნიოთ. ამიტომ სამეფო დამლიანი კრამიტი, დღევანდელი მონაცემებით, ძვ.წ. მე-3 საუკუნის დასაწყისით შეიძლება დათარიღდეს. სამეფო დამლიანი კრამიტის შესახებ საკმაოდ ვრცელი ლიტერატურა არსებობს (ახვლედიანი 1999; გამყრელიძე 1985: 95, 96; კაჭარავა, მუჟავანაძე 1986: 13-15 სურ. 5, 9; ფუთურიძე 1986: 46, 47, სურ. 27; ჭყონია 1986: 114, სურ. 96, 3; Akhvediani 1990: 283-285; Tsetskladze 1998: 96; Ахведиани 1986 Ахведиани 1990: 324-326). მათ შესახებ სხვადასხვა მოსაზრება არსებობს, რომლებიც კრიტიკულად განხილულია დ. ახვლედიანის მონოგრაფიაში (ახვლედიანი 1999).

ამფორა. კოლხური ამფორები, ზოგადად სამ ჯგუფად შეიძლება დაიყოს: 1) უნიშნო და უდამლო ამფორები; 2) დამლიანი ამფორები; 3) ნიშნიანი ამფორები (Цецхладзе 1992). უნიშნო და უდამლო ამფორები ადრეულ პერიოდს მიეკუთვნება. ყველა მკვლევარი მათი წარმოების დასაწყისად ძვ.წ. მე-4 საუკუნის შუა წლებს მიიჩნევს (კახიძე 1971: 60; ლორთქიფანიძე 1966: 137-140; Путуридзе 1977; Цецхладзе 1992), ხოლო მათი წარმოების ხანგრძლივობაზე, განხვავებული მოსაზრებებია: ოთ. ლორთქიფანიძე ამ ტიპის ამფორების ფუნქციონირების ხანად ძვ.წ. მე-4 - მე -2 საუკუნეებს მიიჩნევს (ლორთქიფანიძე 1966: 139), ამ. კახიძე - ძვ.წ. მე-4 საუკუნის მეორე ნახევარს (კახიძე, 1971: 60), რ. ფუთურიძე - ძვ.წ. მე-4 საუკუნის მეორე ნახევარი - ძვ.წ. მე-3 საუკუნე. (Путуридзе 1977), გ. ცეცხლაძე - ძვ.წ. მე-4 საუკუნის

შუა წლები - ძვ.წ. მე-3 საუკუნის ბოლო (Цецхладзе 1992: 92-97), ვ. ლიჩელის აზრით, პირველი ტიპის ამფორების წარმოება ძვ.წ. მე-2 საუკუნის შუა ხანებამდე გრძელდება (ლიჩელი 1991: 32). ეს ამფორები კვერცხისებური ტანით, შედარებით მაღალი ყელითა და უმეტეს შემთხვევაში ცილინდრული ქუსლით ხასიათდება. კოლხურ ამფორებზე მომუშავე ყველა მკვლევარი, მათ სინოპური პროდუქციის მინაბაძად თვლის, ზოგიერთი - ძვ.წ. მე-4 საუკუნის შუა წლებში კოლხეთში გადმოსახლებული სინოპელი ხელოსნების ნაწარმად მიიჩნევს (კახიძე 1971: 60; Цецхладзе 1992: 109). ამ ტიპის ამფორები გავრცელებული იყო კოლხეთის მთელ ტერიტორიაზე, როგორც სანაპირო ზოლში (მაგ. გონიო, ციხისძირი, გვანდრა, წითელი შუქურა), ასევე შიდა რაიონებში (მაგ. დაფნარი, დაბლაგომი, ვანის ნაქალაქარი) (Цецхладзе 1992: 94). ამდაგვარი ამფორების სახელოსნო სადღეისოდ, მხოლოდ სოხუმის მახლობლად, წითელ შუქურაზე აღმოჩენილი (Воронов 1977: 165-166).

დამლიანი ამფორები აფხაზეთის ტერიტორიაზე, სოხუმის მახლობლად, გვანდრაშია აღმოჩენილი. აქვეა გამოვლენილი კერამიკის სახელოსნოს ნაშთები, სადაც სხვა მასალებთან ერთად ნაპოვნი იქნა ამფორის დამლიანი ყურების ფარაგმენტები, რეტროგრადული ორსტრიქონიანი წარწერით - ΔΙΟΣ/ΚΟΥ, რომელიც რამდენიმე სიქით არის დატანილი (Воронов 1977: 163-166) (სურათი 4:1). ი. ვორონოვმა ეს შემოკლებული წარწერა აღადგინა, როგორც ΔΙΟΣΚΟΥ(ΡΙΑΔΕΩΝ); გ. ლორთქიფანიძემ - ΔΙΟΣΚΟΥ(ΡΙΑΔΟΣ), ანუ დიოსკურიის ამფორა (Лордкипанидзе 1978: 43); ი. ბრაშინსკი - ΔΙΟΣΚΟΥ(ΡΙΩΝ) - დიოსკურიელთა (Брашинский 1973: 186); ი. კაცი გამოთქვამს ვარაუდს ΔΙΟΣΚΟΥ შეიძლება იყოს საკუთარი სახელი ΔΙΟΣΚΟΣ, დასმული გენეტიკში (Кац 2007: 290). გ. შამბა ამ დამლებს ძვ.წ. IV ს-ით ათარილებს (Шамба 1978: 49-57), მ. თრაპში, ი. ვორონოვი გ. ცეცხლაძე - ძვ.წ. მე-3 საუკუნით (Трапш 1969: 235; Воронов 1977: 165; Цецхладзе 1992: 105).

გვანდრას კერამიკული სახელოსნოს ნაშთებში აღმოჩნდა სხვა ფარაგმენტებიც, რომელთა საშუალებითაც ამფორა მთლიანად აღდგა. ეს ამფორა ფორმით წააგავს უდამლო და უნიშნო კოლხურ ადრეულ ამფორებს, იმ განსხვავებით, რომ მას ძირზე ფოსო აქვს გამოყვანილი (Воронов 1977: 163-164. рис. 1, 11, 12). მიეკუთვნება, თუ არა ზემოთაღწერილი დამლები ამფორათა ამ ტიპს ჯერჯერობით დადგენილი არ არის. ნ. ვორონოვი აღნიშნავს, რომ ამ ჯგუფის ამფორები სინოპურ ნაწარმს წააგავენ, განსხვავება მხოლოდ იმაშია, რომ გვანდრაში ნაპოვნი ამფორებს ძირზე ფოსო აქვთ გაკეთებული. თუმცა, სადღეისოდ სინოპურ ამფორებში ძირზე ფოსოიანი ნაწარმიც არის გამოყოფილი, რომელიც ზოგადად ძვ.წ. მე-4 - მე-3 საუკუნეებით თარიღდება (Монахов 1992: 163-204). დიოსკურიის დამლიანი ამფორები, ასევე ეშერაზეა აღმოჩენილი (Шамба 1980: 26), კოლხეთს გარეთ - პანტიკაპეონსა (3ც.) და ნიმფეონში (2ც.) (Цецхладзе 1992: 104-105). დიოსკურიის ამფორების დადამლვის ტრადიციის შეწყვეტა, ჩვენი აზრით, გამოწვეულია ამ სახელოსნოს დიოსკურიის, როგორც ქალაქის ხელისუფლების, კონტროლიდან გამოსვლით. რაც ალბათ, კოლხეთის ტერიტორიაზე, ძვ.წ. მე-3 საუკუნის პირველ ნახევარში განხორციელებული სამხედრო მოქმედების შედეგი უნდა ყოფილიყო (ახვლედიანი 2003В: 72-78).

გ. ცეცხლაძე ასევე კოლხურად მიიჩნევს ამფორების ერთ ჯგუფს დამლით: ΤΙΜΑΡΧΟΥ და მას ზოგადად ძვ.წ. მე-3 საუკუნის მეორე ნახევრითა და ძვ.წ. მე-2 საუკუნით ათარილებს (სურათი 4:2). ამდაგვარი დამლები კოლხეთის ტერიტორიაზე არ არის აღმოჩენილი, ისინი დღემდე მხოლოდ ჩრდილოეთ შავიზღვისპირეთშია ნაპოვნი: ბოსფორში - 18 ც., ქერსონესში - 5 ც., სკვითურ ნეაპოლში - 1 ც. (Цецхладзе 1992: 104-105). ი. კაცი ამ დამლებს არ მიიჩნევს კოლხურად. არგუმენტად მოჰყავს ის გარემოება, რომ ასეთი დამლები კოლხეთის ტერიტორიაზე არ არის გამოვლენილი (Кац 2007: 291).

ნიშნის ამფორებს, მის წინამორბედებთან შედარებით უფრო წაგრძელებული კორპუსი აქვთ. ყელი შედარებით დაბალი, ასევე შედარებით დაბალი ქუსლი, ზოგჯერ ღილისებური. ზოგიერთ მათგანს ნიშანი ყურზე, ან ყელზე აქვს დატანილი (სურათი 4:3). ასეთ ამფორებს

ოთ. ლორთქიფანიძე, რ. ფუთურიძე, ი. ვორონოვი ძვ.წ. მე-2 - პირველი საუკუნეებით ათარიღებენ (ლორთქიფანიძე 1966: 137-140; Путиридзе 1977: 68-71; Воронов 1977: 168-169); ამ. კახიძე ძვ.წ. მე-3 - მე-2 საუკუნეებით (კახიძე 1971: 55-61); ვ. ლიჩელის აზრით, ამ ამფორების წარმოება ძვ.წ. მე-3 საუკუნის მეორე ნახევარში იწყება და ისინი ე.წ. „მაღალყელიან“ ამფორებთან ერთად ფუნქციონირებენ გარკვეული პერიოდის განმავლობაში (ლიჩელი, 1991: 32-33). სადღეისოდ ნიშნის ამფორების სახელოსნოს ნაშთები მხოლოდ გულრიფში არის მიკვლეული (Воронов 1977: 166-167).

სუფრის ჭურჭელი. 1. შავლაკიანი, ბერძნული თასი, მაღალ ფეხზე, პირზე ამოკანრულია გრაფიტო ΜΗΤΟΣ (სურათი 4:5) ითხვისის სამაროვნიდან, სამარხი №20, თარიღდება ძვ.წ. მე-5 საუკუნის 70-იანი წლებით. გ. ლორთქიფანიძის აზრით, ეს სახელი ბერძნული ონომასტიკისათვის ცნობილი არ არის (გაგოშიძე და სხვ. 2006: 58, სურ.49, ფოტ.97; Лордкипანიძე 1978: 136); 2. იონიური ჭურჭლის ფრაგმენტი, ამოკანრულია გრაფიტო ΥΡΜΗΚΟΣ (სურათი 4:6), ფიჭვნარის ნაქალაქარიდან, ჩოლოქისპირა თხრილში აღმოჩენილი - ძვ.წ. მე-6 საუკუნე. მ. ნასიძემ ეს წარწერა აღადგინა, როგორც საკუთარი სახელი - [Μ]υρμήκος (ნასიძე 2002: 27); 3. დოქი ნაცრისფერთიხიანი (ქ-ფ. №19/76) წარწერით: ΟΤΩΙΟΣ (სურათი 4:7), ფიჭვნარის ნაქალაქარის ბერძნული სამაროვნიდან, სამარხი №25 - ძვ.წ. მე-4 საუკუნე. მ. ნასიძის აზრით, ასეთი სახელი ბერძნულ და მცირეაზიურ ონომასტიკაში არ გვხვდება (ნასიძე 2002: 34). გ. ლორთქიფანიძის აზრით, ეს სახელი შეიძლება კოლხური ანტროპონიმი იყოს (Лордкипანიძე 1986: 239); 4. შავლაკიანი ჯამი (ქ-ფ №15/98), წარწერა: ΔΙΟΝΥΣΙΟΣ ΛΕΩΔΑΜΑΝΤΟΣ (სურათი 4:8), ფიჭვნარის ნაქალაქარის, ბერძნული სამაროვნიდან, ალაპი № 7 - ძვ.წ. მე-4 საუკუნე. მ. ნასიძემ თარგმნა, როგორც „დიონისიოსი ლეოდამანტოსის ძე“ (ნასიძე 2002: 36); 5. ბერძნული, წითელლაკიანი, მრგვალქუსლიანი ჯამის ქვედა ნაწილი, გამოწვის შემდეგ დატანილია წარწერა: ΦΙΝΤΙΔΟΣ (სურათი 4:9), ვანის ნაქალაქარიდან. გ. ლორთქიფანიძეს მიაჩნია, რომ ეს არის სახელი Φιντις, რომელიც დასმულია მესამე კანკლედობის ნათესაობით ბრუნვაში. ეს სახელი იშვიათად გვხვდება ბერძნულ ონომასტიკაში - იგი არ არის დადასტურებული არც ჩრდილო შავიზღვისპირეთსა და არც მცირე აზიაში. არ გვხვდება ეს სახელი არც ატიკაში. არაა გამორიცხული, რომ გრაფიტო პატრონის ვინაობას აღნიშნავს, იგი ძვ.წ. პირველი საუკუნით თარიღდება (უფრო ზუსტად საუკუნის პირველი ნახევრით) (ლორთქიფანიძე 1972: 142-143).

ვანის ნაქალაქარის კარიბჭეზე ვერტიკალურად ამოკანრულია ბერძნული წარწერა ΑΡ. ΩΑΝΑΚΑ (სურათი 4:10). თ. ყაუხჩიშვილს მიაჩნია, რომ ეს წარწერა შეიძლება აღდგეს შემდეგი სახით 'αρ[άομαι] Ἰάνασ[σ]α-„გვედრები (შენ) მეუფეო“. ასევე თ. ყაუხჩიშვილი არ გამორიცხავს, რომ ΑΡ. არის შემოკლება შურისმაძიებელი ქალღმერთის სახელის Ἄρᾶ-ს, ან შემოკლება სახელის Ἄρσαυς (ყაუხჩიშვილი 1999: 148; Каухчишвили 1975: 498). ვანის ნაქალაქარის კარიბჭეზე ორჯერ, მარჯვნიდან მარცხნივ, ამოკანრულია საკუთარი სახელი ΑΡΚΑΝΚ (სურათი 4:11) (ყაუხჩიშვილი 1967: 253-258, ყაუხჩიშვილი 1999: 148; ხომტარია და სხვ., 1972: 154; Каухчишвили 1975: 498). თ. ყაუხჩიშვილის აზრით, ეს უნდა იყოს წერის შეფარვითი მანერით შესრულებული ხელოსნის სახელი. მსგავსი სახელებია: Ἄρσαυς, Ἄρσᾶς, Ἄρσᾶίς (ყაუხჩიშვილი 1967: 253-258, 1999: 148; Каухчишвили 1975: 498). რაც შეეხება წარწერის თარიღს - ნაქალაქარის თავდაცვითი სისტემა აიგო ძვ.წ. მე-3 საუკუნის მეორე ნახევარში, ხოლო დაინგრა ძვ.წ. პირველი საუკუნის შუა წლებში (ლორთქიფანიძე 1995: 25-31). შესაბამისად, კარიბჭეზე შესრულებული წარწერები ამ ქრონოლოგიურ ჩარჩოში ფდება.

ამდენად, კოლხეთის ონომასტიკის წყაროების განხილვისას ბევრ საკამათო საკითხს შევხვდით. ამჯერად, შევეცადოთ ისინი დავალაგოთ ქრონოლოგიურად:

ძვ.წ. მე-6 საუკუნე. - ΥΡΜΗΚΟΣ, გრაფიტო, ფიჭვნარის ნაქალაქარი.

ძვ.წ. მე-5 საუკუნე. - ΜΗΤΟΣ, გრაფიტო, ითხვისის სამაროვანი.

ძვ.წ. მე-4 საუკუნის პირველი ნახევარი - ΟΤΩΙΟΣ, გრაფიტო, ΔΙΟΝΥΣΙΟΣ ΛΕΩΔΑΜΑΝΤΟΣ, გრაფიტო, ფიჭვნარის ნაქალაქარი.

ძვ.წ. მე-4 საუკუნის მეორე ნახევარი - ძვ.წ. მე-3 საუკუნის პირველი ნახევარი - ΔΕΔΑΤΟΣ, ბეჭედი-საბეჭდავი; ΗΡΑΚΛΕΙΔΟΥ, დამლა კრამიტზე, ΜΗΛΑΒΗΣ, ΟΡΑΖΟ, ΧΟΡΣΙΠ, ΜΗΝΟ, ΕΡΜΩ, ΧΙΤΙΣ, Χ---ΧΑ დამლა კრამიტზე, ვანის ნაქალაქარი.

ძვ.წ. მე-3 საუკუნის მეორე ნახევარი - ძვ.წ. მე-2 საუკუნის პირველი ნახევარი -ΤΙΜΑΡΧΟΥ დამლა ამფორაზე; ΒΑΣΙΛΕΩΣ ΑΚΟΥΥ მონეტა (ტრაპიზონი, სოფ. კინჩხა, ხონის მუნიციპ.).

ძვ.წ. მე-2 საუკუნის მეორე ნახევარი - ძვ.წ. პირველი საუკუნის პირველი ნახევარი - Saulaces (NH, XXXIII, 52), თარიღი ბუნდოვანია, მონეტა (?), (ზოგადად კოლხეთი და ვანის ნაქალაქარი); ΦΙΝΤΙΔΟΣ გრაფიტო, APCANC წარწერა კარიბჭეზე, ვანის ნაქალაქარი.

ძვ.წ. პირველი საუკუნეების შუა ხანები - 'Αρίσταρχος (App. Mithr. 114) მონეტა; 'Ολθάκις (App. Mithr. 117).

გამოყენებული ლიტერატურა:

ახვლედიანი, დ. 1999. *კრამიტი ვანის ნაქალაქარიდან*, თბილისი.

- 2003A. "ვანის ნაქალაქარზე გამოვლენილი დამლიანი კრამიტის ერთი ჯგუფის იდენტიფიკაციისათვის", *ამირანი IX-2*: 45, 46.
- 2003B. „ძვ.წ. IV-III სს-ის კოლხეთის ისტორია კერამიკული დამლების მიხედვით“, *ძიებანი 11*: 72-79.

გაგოშიძე, ი., გოგბერძე ნ., მახარაძე გ. 2006. „ითხვისის სამაროვანი“, *არქეოლოგიური ჟურნალი*, IV: 36-59.

- 2010. „ითხვისის სამაროვნის ქრონოლოგია“, *არქეოლოგიური ჟურნალი*. V: 49-55.

გამყრელიძე, გ. 1982. *ცენტრალური კოლხეთის ძველი ნამოსახლარები (სოფ. მთისძირი)*, თბილისი: მეცნიერება.

- გ. 1985. „აზო-ფარნავაზის დროინდელი კოლხეთის ისტორიიდან“. *მაცნე (ისტორიის, არქეოლოგიის, ეთნოგრაფიის და ხელოვნების ისტორიის სერია)*, 3: 95, 96.

გრიგოლია, გ. ფხაკაძე გ., ბარამიძე მ., ლორთქიფანიძე გ. 1973. „დასავლეთ საქართველოს საძიებო-არქეოლოგიური ექსპედიციის 1966 წლის მუშაობის შედეგები“, *მასალები საქართველოსა და კავკასიის არქეოლოგიისათვის*, V:17-38.

კაპანაძე, დ. 1969. *ქართული ნუმიზმატიკა*. თბილისი: თბილისის უნივერსიტეტის გამომცემლობა.

კაჭარავა, დ. მუავანაძე ზ. 1986. „ნაქალაქარის ზედა ტერასაზე 1980 წელს ჩატარებული მუშაობის ანგარიში“ ოთ. ლორთქიფანიძე (რედ.), *ვანი*, VIII: 9-33, თბილისი: მეცნიერება.

კაჭარავა დ., ახვლედიანი დ., გიგოლაშვილი ელ., თოლორდავა ვ., კვიციანი გ., მათიაშვილი ნ., სახვაძე ელ., ხარაბაძე ს., ფირცხალავა მ., ყყონია ა., 2002. *არქეოლოგიური გათხრები ვანის ნაქალაქარზე 2002 წელს* (ხელნაწერი).

კახიძე, ა. 1971. *საქართველოს ზღვისპირეთის ანტიკური ხანის ქალაქები (ქობულეთ - ფიჭვნარი)*. თბილისი: მეცნიერება.

ლიჩელი, ვ. 1991. *ძველი ვანი, სამეურნეო უბანი*. თბილისი: მეცნიერება.

ლორთქიფანიძე, გ. 1972. „ვანის ნაქალაქარის I უბანზე 1961-1963 წწ. ჩატარებული არქეოლოგიური გათხრების შედეგები“. ო. ლორთქიფანიძე (რედ.) *ვანი*, I: 135-146, თბილისი: მეცნიერება.

- ლორთქიფანიძე, ოთ. 1966. *ანტიკური სამყარო და ძველი კოლხეთი*. თბილისი: თბილისის უნივერსიტეტის გამომცემლობა.
- 1995 ვანი „ოქრომრავალი“ კოლხეთის უძველესი რელიგიური ცენტრი. მაინცი.
- ლორთქიფანიძე, ოთ. ფუთურიძე რ., თოლორაძე ვ., ჭყონია ა. 1972. „არქეოლოგიური გათხრები ვანში 1969 წელს“, ოთ. ლორთქიფანიძე (რედ.). *ვანი*, I:198-242, თბილისი: მეცნიერება.
- ლორთქიფანიძე, მ. 1976. „არქაული და „არქაიზირებული“ საბეჭდავი-ბეჭდები ვანიდან“, ოთ.ლორთქიფანიძე (რედ.), *ვანი*, II: 116-166, თბილისი: მეცნიერება.
- მათიაშვილი, ნ. 2013. „არქეოლოგიური გათხრები ვანის ნაქალაქარის ქვედა ტერასაზე“, ო. ლორთქიფანიძე (რედ.), *ვანი X*.
- მიქელაძე, თ.1978. *არქეოლოგიური კვლევა-ძიება რიონის ქვემო წელზე*. თბილისი: მეცნიერება.
- ნასიძე, მ. 2002. *საქართველოს ბერძნული გრაფიკა*. თბილისი.
- ფუთურიძე, რ. 1986. „ვანის ნაქალაქარის ცენტრალური ტერასის სამხრეთ-დასავლეთ ნაწილის არქეოლოგიური გათხრები“, ოთ. ლორთქიფანიძე (რედ.), *ვანი*, VIII: 34-51, თბილისი: მეცნიერება.
- ყაუხჩიშვილი, თ. 1967. „ვანის ბერძნული წარწერები“, *საქართველოს მეცნიერებათა აკადემიის მოამბე*, XLVIII: 253-258.
- 1999. *საქართველოს ბერძნული წარწერების კორპუსი*. თბილისი: ლოგოსი
- ყიფიანი, გ. 1991. *ნიშნთა ფუნქციის შეცნობისათვის კოლხურ და იბერიულ კრამიტებზე*, თბილისი.
- ჭყონია, ა. 1986. „არქეოლოგიური გათხრები ვანის ნაქალაქარის ცენტრალურ ტერასაზე“, ოთ. ლორთქიფანიძე (რედ.) *ვანი*, VIII: 93-115, თბილისი: მეცნიერება.
- ხოშტარია, ნ. ლორთქიფანიძე ოთ., ფუთურიძე რ., ლეჟავა გ. 1972. „არქეოლოგიური გათხრები ვანში 1966 წელს“, ოთ. ლორთქიფანიძე (რედ.), *ვანი I*: 147-174, თბილისი: მეცნიერება.
- Akhvlediani, D.1990. „Les Tuiles estampillées de Vani“, dans Lordkipanidze, O., and P. Leveque. (eds.), *Le Pont-Euxin vu par les Grecs. Sources écrites et archéologie*, Symposium de Vani (Colchide), Septembre-Octobre 1987, pp. 283-285, Besançon: Université de Franche-Comté, (*Annales littéraires de l'Université de Besançon*, 427).
- Tsetskladze, G.1998. *Die Griechen in der Kolchis: (historisch-archaologischer Abriss)*. Amsterdam: Adolf M. Hakkert.
- Алексеева, Е. 1975. „Раскопки эллинистического дома“, *Краткие сообщения института археологии* 143:31-37.
- Ахвледiani, Д. 1986. *Черепица Грузии эллинистической эпохи по материалам Ванского городища*, Автореферат кан. Дисс. Ереван.
- 1990. „Клейменная черепица Ванского городища“, *Причерноморье в VII–III вв. до н.э.*, pp. 324–326, Тбилиси.
- Брашинский, И. 1973. „Синопа и Колхида“, *Вопросы древней истории (Кавказско-ближневосточный сборник)*, IV:180–190.
- Воронов, Ю. 1977. „К изучению керамического производства Диоскуриады“, *Советская Археология* 2: 162–171.
- Гайдучевич, В. 1958. „Новые эпиграфические данные о боспорских черепичных эргастериях“,

Советская Археология XXVIII: 123–135.

Голенко, К. 1951. „О монетах, приписываемых Савмаку“, *Вестник древней истории* 4:199–203.

Дундуа, Г. 1987. *Нумизматика античной Грузии*, Тбилиси: Мецниереба.

Жебелёв, С. 1938. „Последний Перисад и скифское восстание на Боспоре“. *Вестник древней истории* 3: 49–71.

Капанадзе, Д. 1948. „Новые материалы к изучению статов царя Аки“. *Вестник древней истории* 1: 150–155.

Каухчишвили, Т. 1975. „Греческая эпиграфика как источник истории Грузии“, в кн.: А.В. Урушадзе, Р. Гордезиани (ред.), *Проблемы античной культуры*, сс. 495—505, Тбилиси: Издательство Тбилисского университета.

Кац, В. 2007. *Греческие керамические клейма эпохи классики и эллинизма*. Боспорские исследования - Вып. XVIII, Симферополь–Керчь.

Куфтин, Б. 1949. *Материалы к археологии Колхиды*. Vol. I. Тбилиси: Академия наук ГССР.

- 1950. *Материалы к археологии Колхиды*. Vol. II. Тбилиси: Академия наук ГССР.

Лордкипанидзе, Г. 1970. *К истории древней Колхиды*. Тбилиси: Мецниереба.

- 1978. *Колхида в VI–II вв. до н.э.* Тбилиси: Мецниереба.

- 1986. *Некоторые вопросы истории античной культуры Грузии*. Москва: Наука.

Меликишвили, Г. 1959. *К истории древней Грузии*. Тбилиси: Академия наук ГССР.

Микеладзе, Т., Хахутаишвили, Д. 1985. „Древне-Колхидское поселение Намчедури“, *სამხრეთ-დასავლეთ საქართველოს ძეგლები XIV*, თბილისი, მეცნიერება.

Монахов, С. 1992. „Динамика форм и стандартов синопских амфор“, в кн.: В.И. Кац и С.Ю. Монахов (Ред.), *Греческие амфоры*, pp. 163–204, Саратов: Издательство Саратовского университета.

Немировский, А. 1980. „Понтийское царство и Колхида“, в кн.: О. Д. Лордкипанидзе (ред.), *Колхида и Средиземноморье*, pp. 154–160, Тбилиси: Мецниереба.

Путуридзе, Р. 1977. „Колхидские амфоры из Вани“. *Краткие сообщения Института археологии* 151: 68–71.

Талис, Д. 1968. „Черепица с метками из раскопок Баклинского городища“, *Советская Археология* 2: 184–195.

Тодуа, Т. 1990. *Колхида в составе Понтийского царства*. Тбилиси: Мецниереба.

Трапш, М. 1969. *Труды*. Vol. 2. Сухуми: Алашара.

Харко, Л. 1948. „Существовал ли царь Акης?“, *Вестник древней истории* 2: 133–141.


Цецхладзе, Г. 1992. „Производство амфорной тары в Колхиде“, в кн.: В.И. Кац, С.Ю. Монахов (ред.), *Греческие амфоры*, pp. 90–110, Саратов: Издательство Саратовского университета.

Шамба, Г. 1978. „Амфорные клейма Диоскурии“. *Известия Абхазского института языка, литературы и истории им. Д. И. Гулиа* V: 49–57.


- 1980. *Эшерское городище*. Тбилиси: Мецниереба.

Шелов, Д. 1956. *Монетное дело Боспора, VI–II вв. до н.э.* Москва: Государственное издательство исторической литературы.

Шкорпил, В. 1909. „Боспорские надписи, найденные в 1908 г.“ *Известия Императорской Археологической Комиссии* 33: 23–32.




სურათი 1. 1. კრამიტის დამლა - ΗΡΑΚ[ΛΕΙΔΟΥ]; 2. კრამიტის დამლა - [ΗΡΑΚ]ΛΕΙΔΟΥ; 3. კრამიტის დამლა - ΟΡΑΖΟ; 4. კრამიტის დამლა - X----XA; 5. კრამიტის დამლა - ΒΑΣΙΛΙΚΗ/ΜΗΛΑΒΗ[C]; 6. კრამიტის დამლა - ΒΑΣΙΛΙΚΗ/ΜΗΛΑΒΗC ΜΗΝΩ; 7. კრამიტის დამლა ----- - ΧΙΤΙΚ; 8. კრამიტის დამლა - ΒΑΣΙΛΙΚΗ/ΜΗΛΑΒΗC ΕΡΜΩ; 9. კრამიტის დამლა და ნიშანი - [ΒΑΣΙΛΙΚΗ] ΜΗΛΑ[ΒΗC] ΧΟΡCΠ P; 10. კრამიტის დამლა - [ΒΑΣΙΛΙΚΗ] ΜΗΛΑ[ΒΗC] ΧΟΡCΠ.



სურათი 2. კრამიტზე დასმული ნიშნები.

α	Α	ν	—
β	Β	ξ	—
γ	—	ο	ο
δ	—	π	ρ π
ε	Ε	ρ	ρ
ζ	Ζ	σ	ξ ς Ϸ
η	Η	τ	—
θ	—	υ	—
ι	Ι	φ	—
κ	Κ	χ	Χ
λ	Λ	ψ	—
μ	Μ	ω	ω

სურათი 3. კოლხურ სამეფო დამლიან კრამიტეებში გამოყენებული ასოების პალეოგრაფია.



სურათი 4. 1. ამფორის დამლა - ΔΙΟΣΚΟΥ; 2. ამფორის დამლა - ΤΙΜΑΡΧΟΥ; 3. ნიშნები ამფორებზე; 4. წარწერა საბექდავ-ბექედზე - ΔΕΔΑΤΟΣ; 5. გრაფიტო - ΜΗΤΟΣ; 6. გრაფიტო - ΥΡΜΗΚΟΣ; 7. გრაფიტო - ΟΤΩΙΟΣ; 8. გრაფიტო - ΔΙΟΝΥΣΙΟΣ ΛΕΩΔΑΜΑΝΤΟΣ; 9. გრაფიტო - ΦΙΝΤΙΔΟΣ; 10. წარწერა ვანის ნაქალაქარის კარიბჭეზე - ΑΡ. ΩΑΝΑCΑ; 11. წარწერა ვანის ნაქალაქარის კარიბჭეზე - ΑΡCΑΝC.